

四庫全書

史部

欽定四庫全書

寶慶四明志卷十二

宋 羅濬 撰

鄞縣志卷一

叙縣

沿革論

鄞縣古越地之東境國語曰吳更封越東至于鄞吳越春秋謂越有赤堇山故加邑爲鄞秦置會稽郡鄞與句

章鄧均爲屬縣漢成帝陽朔元年徙東部都尉治鄆

初武

帝平東粵以其地立東部都尉治後徙章安今臺州臨海縣是也成帝徙治此事見三國志虞翻傳或有

寇害復徙句章新莽改鄆曰謹後漢復舊名今奉化縣

東五十里有廣福院舊名鄆城院初鄆縣治也慈谿縣

南十五里句餘山之東有城山初句章縣治也鄆縣東

三小里阿育王山之西鄆山之東有古鄆城初鄆縣治

也隋開皇九年併鄆鄆入句章縣唐武德四年廢句章

縣析置鄆州八年廢鄆州爲鄆縣隸越州小江湖在南

二里

今城內曰湖即是又曰廣德湖在西十二里仲夏細湖頭其地爲小江里

堰在西南四十里當時縣治乃今州治非古鄧治矣

縣南

有鮑郎廟記云唐聖歷二年縣令柳惠古徙祠于縣是知初置鄧州已治此繼廢州爲鄧縣不復在鄧山之東

也

開元二十六年即鄧縣置明州鄧爲附郭縣長慶元

年刺史韓察請于朝以縣治爲州治而於舊州城近南

高處置縣

詳見郡沿革論

元和中定爲上縣五代時更縣名鄧

皇朝爲望縣凡十八鄉淳化元年分萬齡爲二鄉曰老

界曰手界熙寧中割靈巖大丘海晏富都安期蓬萊六

鄉隸定海昌國今十三鄉其封域乃古鄮及句章之東南區而古鄞境則爲奉化象山縣地矣

境土

東西六十五里  
南北五十七里

東至縣界三十五里以陽堂鄉育王寺山隴東河頭鋪爲界自界首至定海縣三十五里

西至縣界三十里以桃源鄉潘嶼嶺爲界自界首至慈谿縣三十里

南至縣界五十一里以鄞塘鄉傅霸河爲界自界首至

奉化縣三十五里

北至縣界一十五里以老界鄉陳渡鋪橋爲界自界首  
至定海縣五十里

東南到縣界九十里以豐樂鄉金城山嶺爲界自界首  
至奉化縣六十里

西南到縣界一百七十四里以通遠鄉梅山嶺爲界自  
界首至紹興府餘姚縣一百二十里

東北到縣界四十一里以老界鄉褚浦堰爲界自界首

至定海縣三十五里

西北到縣界三十五里以清道鄉西渡江心爲界自界  
首至慈谿縣一十五里

縣令

題名燬于金人續刻自建炎四年始先是莫得而  
詳舉所可考者書之

王脩

後漢順帝漢安二年  
鄮令見會稽典錄

王君照

唐貞觀十年鄮令  
修小江湖見舊志

王叔通

唐開元二十六年鄮令見會要

柳惠古

唐聖歷二年鄮令徙鮑郎祠于縣見本廟舊載

陸南金

唐天寶二年鄮令開廣西湖即今之東錢湖也見唐書地理志今立祠湖旁

儲仙舟

唐大歷八年鄮令見曾鞏廣德湖記

王元暉

唐大和七年朝議郎行鄮縣令上柱國築地山堰浚小江湖灌溉甚博民德之立祠堰旁爵曰

使經曰善政皇朝咸平四年蘇爲記之不言何代所封乾道四年七月八日有旨賜遺德廟額寶慶三年誥封善政侯府學有請修文宣王廟文牒碑具載歲月姓名唐書地理志云開元中令誤也



金翊

皇朝建隆中鄆  
今有纂異記

王

咸平四年修善政侯  
廟蘇爲記不著其名

王安石

慶曆七年在任好讀書爲文章二日一治縣事  
起堤堰決陂塘爲水陸之利貸穀于民立息以  
償俾新陳相易興學校嚴保伍邑人便之熙寧  
初爲執政所行之法率本于此而不知非其人  
不能行易其地執其法亦不可行也今縣  
之經綸閣及廣利寺崇法寺皆有祠堂

張岫

熙寧元年浚廣  
德湖見曾鞏記

黃頌

熙寧四年見隱學  
山復放生池碑

虞大寧

熙寧八年即北渡之西面風棚積石爲碕以卻  
暴流納淡潮又自州之西隅距北津疏淀淤之

舊增卑培薄以保故堤而作閘於其南拒所謂鹹水以便往來之舟而東西管數鄉之堰礮隨

以繕葺者凡六所用工一萬一千有奇溉田五千五百餘頃郡人舒亶記

李延世

通直郎兼監市舶司武騎尉賜緋魚袋元祐二年在任見袁穀多福院記

段藻

元祐中修廣德湖堤見舒亶記

曹隲

紹聖中修菽埭堰

龔行脩

崇寧元年修它山堰見楊蒙記

王勲

左朝奉郎建炎四年正月到任

徐注

左宣教郎建炎四年十一月到任紹興三年十一月二十九日滿

張汝說

右文林郎紹興三年十一月二十  
九日到任六年十二月十八日滿

顧汝美

左承議郎紹興六年十二月十  
八日到任九年六月十七日滿

梅執仁

右宣教郎紹興九年六月十八  
日到任十二年七月二十日滿

張庭

右奉議郎紹興十二年  
七月二十一日到任

高堯明

右朝散大夫紹興十四年五月初  
五日到任十七年七月初十日滿

張穎

左奉議郎紹興十七  
年七月十三日到任

程緯

右通直郎紹興二十一  
年八月初七日到任

王煜

右奉議郎紹興二十四年八月二十四日到  
任二十五年十月除監行在諸司審計院

周升亨

本朝奉郎紹興二十五年十一月二十日到任二十九年三月二十六日滿

宋應

右奉議郎紹興二十九年三月二十七日到任三十一年十一月內用酬賞轉朝奉郎三十二年四月

月十四日滿

周額

左奉議郎紹興三十二年四月十四日到任在任用磨勘及酬賞轉左朝散郎乾道元年五月二十

九日滿

李柄

右承奉郎乾道元年六月初一日到任磨勘轉右承事郎三年七月初一日滿

楊布

右通直郎乾道三年七月初一日到任磨勘轉右奉議郎六年九月二十三日滿

吳子康

右奉議郎乾道六年九月二十三日到任磨勘轉右承議郎九年九月二十八日滿

趙彥弼

承議郎乾道九年九月初九日丁母憂到任淳熙二年六月初九日到

姚祐

宣教郎淳熙二年九月初九日到任磨勘轉通直郎因濬東湖減三年磨勘以職事修舉特轉奉議

郎四年十二月十三日滿

周价

宣教郎淳熙四年十二月十三日到任用磨勘轉通直郎六年十二月二十八日滿

汪柔

承議郎淳熙六年十二月二十八日到任

孫介宗

宣教郎淳熙七年十月初五日到任磨勘轉通直郎十年十二月滿

石晝問

宣教郎淳熙十一年二月二十五日到任用磨勘恩賞轉奉議郎十四年五月二十四日被旨

召赴都堂客察六月初五日交替

姚愈

承議郎淳熙十四年六月初五日到任用恩賞磨勘及覃恩轉至朝請郎紹熙元年八月二十六日

交替

趙善玘

宣教郎紹熙元年八月二十六日到任十二月八日被旨與祠

吳泰初

承務郎紹熙二年八月初三日到任磨勘及覃恩轉承事郎五年閏十月一日交替

王子鳳

通直郎紹熙五年閏十月初二日到任慶元三年十一月某日過滿交替

傅公弼

通直郎慶元三年十一月二十五日到任磨勘轉奉議郎至六年十二月初八日交替

鍾元鼎

奉議郎慶元六年十二月初八日到任磨勘轉承議郎嘉泰四年正月二十八日替

徐撫辰

宣教郎嘉泰四年正月二十八日到任磨勘轉通直郎開禧二年二月初八日丁母憂

周之瑞

宣教郎開禧二年四月十七日到任磨勘轉承議郎

蔣誼

奉議郎嘉定二年四月十九日到任五月初五日丁父憂

趙師雍

承議郎嘉定二年七月二十八日到任磨勘轉朝奉郎五年十月二十三日滿

錢顯祖

通直郎嘉定五年十月二十三日滿到任八年十二月二十七日滿

李壽朋

通直郎嘉定八年十二月二十七日滿到任十年十二月磨勘轉奉議郎

李約

寄理宣教郎嘉定十二年六月二十一日到任十年六月二十五日磨勘轉奉議郎十四年六月

二十一日滿

顏耆仲

宣教郎嘉定十四年八月初一到任十一月二十日丁母憂

張公弼

宣教郎嘉定十四年閏十二月初七日到任至十五年寶慶恩轉通直郎

趙崇岳

奉議郎嘉定十七年九月初九日到任  
恩轉承議郎寶慶三年十月十九日過滿

薛師武

通直郎寶慶三年十月十九日到任  
授奉議郎紹定三年十一月二十七日到任  
在任轉

趙與忍

宣教郎紹定三年十一月二十七日到任  
四年該慶壽恩轉通直郎紹定五年七月磨勘

轉奉議郎紹定六年十二月某日過滿

錢木之

奉議郎紹定六年十二月二十六日到任  
平三年三月二十六日避王大卿親離任

趙時詰

通直郎端平三年七月十三日到任  
三年四月二十七日改差提轄雜買場

謝琳

宣教郎嘉熙三年十二月十七日到任  
淳祐三年正月二十日滿替



徐獻子

宣教郎淳祐三年正月二十日到任

趙與諫

通直郎淳祐三年六月二十一日到任

陳元桂

通直郎淳祐四年九月二十七日到任

趙希直

通直郎淳祐六年三月二十五日到任淳祐九年四月十五日過滿得替磨勘擬轉奉議郎

朱浦

承事郎淳祐九年四月十五日到任十年八月二十一日磨勘轉宣教郎十一年九月三十日致仕

薛嶺

通直郎淳祐十一年十一月二十八日到任寶祐二年閏六月磨勘轉奉議郎當年十二月初二日

過滿  
得替

社稷

壇壝縣南二里

城隍

邑附府故行禮亦附于府城隍

學校

唐元和九年學建于縣之東皇朝崇寧二年移縣西南  
成於大觀三年建炎四年燬于兵嘉定十三年邑簿呂  
康年有請今丞相史魯公念縣學久廢非宜命守俞建  
相地擇所舊址隘且不利聞於上以寶雲寺西不隸將

威果指揮廢營更之地凡一十五畝二角四十五步郡  
及常平使者喻珪各給楮券千緡里之士大夫助四千  
一百緡俾郡人如臯簿王機董役於是先聖始有殿越  
數年未竣事寶慶二年尚書胡榘守郡捐緡錢七百八  
十六有奇楮券一千八百貳車蔡範輟市舶之贏千緡  
里士之助又五百緡乃克有成直殿後爲講堂從祀分  
列於殿之前齋舍門廡庖湑各有攸處明年仲秋釋奠  
行禮扁其堂曰養正四齋在東序曰觀善曰辨志在西

序曰習說曰敬業學租素寡學廢以隸郡庠既建學復歸於縣士率喜充郡弟子員入縣學必求列職尚書謂無生員而有職掌非朝廷養士意也且郡既有學則縣宜爲小學故以此意名齋堂選里之未成童父兄貧而不能教者十三歲以上爲一等十二歲以下爲一等歲養二十員命郡學職二員各以所業訓之增給月俸廢學基建官舍三

司法監倉制置司準備差遣

餘悉爲民居釐正其疆

界月收錢十緡有奇紹定元年尚書復撥所籍慈谿縣

沈時舉水田八十一畝二十七步地九畝一十步半以  
益其租

御書

寶慶訓勅士風詔書二軸

一軸漕司頒降  
一軸本府頒降

錢糧

田六百三十四畝二角三十五步

沈時舉  
田在內

租元米一百五十四石三斗七升一合九勺增  
米三十二石三斗五升錢六百三十七文

城郭

舊經云在府子城之東二百八十步城周回四百四十步其實非有城郭特縣治之基周回若此爾

坊巷

見郡志

倉庫務場等

倉庫

附郭故  
不特置

小溪酒務

句章鄉去縣四十里唐謂之光溪鎮本戶  
買撲皇朝元豐元年復置監官赴酒稅課額

下莊酒務

陽堂鄉去  
縣三十里

林村酒務

桃源鄉去  
縣三十里

黃姑林酒務

亦在桃源鄉今  
總謂之林村

小溪稅場

與酒務  
同置

石碕稅場

陽堂鄉去  
縣三十里

寶幢稅場

陽堂鄉去  
縣三十里

大嵩鹽場

陽堂  
鄉

公宇

勅書樓

其下爲門揭縣名其上入門列東西兩廊建炎  
四年燬於兵紹興二十六年令王輝重建朝奉

郎新差通判福州軍州事何涇記縣名南昌周  
勑書紹熙五年令吳泰初重脩敷文閣直學士

正奉大夫致仕汪大猷記紹定  
元年火令薛師武重建兩廊

宣詔亭

樓門外之左  
紹定元年火

頌春亭

樓門外之右  
紹定元年火

廳堂

端拱元年建建炎四年燬於兵紹興八年令顧汝  
美重建江都李璜記嘉定十年令李壽朋重修且

之記

獄

聽事西南偏令顧汝美建紹定元年火令薛  
師武重建牢戶六以簡孚閱實審克扁之

畫簾堂

聽事之東面南紹興三十一  
年令宋應建結琦趙省記



寬賦堂

宅堂之左面東紹興二十六年令周升亨重建取梅宛陵願旨寬賦刑越俗久罷憊之句摘字

名之桐鄉  
宋翌記

清心堂

宅堂東北園中西南瞰蓮池旁面丞廳二松紹興二十五年令王煜建久而圯紹熙五年令吳

泰初重建王  
子鳳成之

經綸閣

舊在聽事之西偏元祐中宰邑者以前宰王安石登相位而建立祠於閣之下建炎四年燬於

兵紹興二十五年令王煜重建左朝散郎主管臺州崇道觀維揚徐度記乾道四年令楊布移

王荆公祠於閣之上後與閣俱廢淳熙四年令姚祐徙建於宅堂之北紹熙五年令吳泰初重

建嘉定十七年令張公弼又重建荆公祠移於閣北之西偏閣之舊扁不存寶慶二年令薛師

武立

讀書堂

久廢紹定元年令薛師武扁於經綸閣下存舊名也

退軒

宅堂之後令李壽朋建今廢

琴堂

寬賦堂之北令王萍建今廢

魚熙亭

寬賦堂之前今廢

仰高亭

令王煜建今廢

西亭

令吳泰初有詩云王荆公舊讀書處也今廢

官僚

丞聽事縣門內之東皇朝政和元年建紹興八年重建  
有不俗堂乾道元年丞張康建涉筆齋不負丞軒儼

翠亭丞向士偉  
建紹定元年火

主簿聽事縣門內之西皇朝太平興國四年  
年建紹興八年重建紹定元年火

尉聽事州城外二里甬東廟皇朝  
雍熙三年建紹興八年重建

大嵩寨巡檢一員

大嵩鹽場監官一員

下莊酒務監官一員

以上並  
陽堂鄉

林村黃姑林酒務監官二員

桃源鄉

石硤寶幢二稅務監官共一員

小溪酒稅監官共一員

句章鄉

驛鋪

驛

附郭故  
不專置

城西鋪

望京門外至景  
安鋪一十里

景安鋪

清道鄉至慈溪西渡  
鋪連江一十五里

右西路

礪社鋪

甬水門外光同鄉至奉化  
北渡鋪連江一十二里

右南路

桃花鋪

東渡門外江之東老界鄉地名桃花渡北至定海清水鋪三十五里

右北路

叙山

四明山縣西南六十里并跨慈谿奉化之境已載郡志  
大雷山之西曰孔嶼屬縣境有所謂三十六河雖名  
河而無水俯而聽之則水聲潺潺人謂四明山之伏  
流也

金峨山縣南八十里州之按山也

太白山縣東六十里視諸山爲最高其顛有龍池雲氣  
翳勃生於水面不絕若麗日晴霄澄澈如鏡或風振  
林木落葉紛紛過之無墮池中者每風雨時雷電多  
從山頂生天童山有支徑可登此峯頂邦人旱暵必  
禱焉每有靈物變見雨隨以至或曰山以太白星得  
名又曰近有小白嶺故此爲大白非太也

天童山縣東六十里晉永康中僧義興廬山間有童子

來給薪水久乃辭去曰吾太白一辰上帝遣侍左右  
言訖不見太白天童之名昉於此山前有玲瓏巖石  
多嵌虛支徑透其絕頂景象尤勝

鄮山縣東三十里高二百八十丈按十道四蕃志云以  
海人持貨貿易於此故名縣居鄮山之陰乃加邑爲  
鄮

阿育王山在鄮山之東高數百仞阿育王見靈建寺其

下因以名山

詳見本  
寺文

寺有徑路可上山腰有佛左足

跡入石二寸餘峯頂有極目亭望海中山如丘垤然  
玉几山阿育王山之前自寺視之橫陳如几

大梅山縣東南七十里蓋梅子真舊隱也

按福本傳王莽專政福一

朝棄妻子去其後人有見於會稽者漢時  
鄣屬會稽而子真所隱亦不止此一山

山中有石

洞仙井藥爐丹竈遺跡猶存山頂有大梅木其上則  
伐爲會稽禹祠之梁其下則爲它山堰之梁禹祠之  
梁張僧繇圖龍於其上夜或風雨飛入鏡湖與龍鬪  
後人見梁上水淋漓而萍藻滿焉始駭異之乃以鐵



索鎖於柱而它山堰之梁長三丈許去岸數丈歲久不朽大水不漂或有刀墜而誤傷之者血出不已

灌頂山縣西南七十里通遠鄉其山直上二十里方至

絕頂有普澤禪院歲納學租近年有欲採鐵於此者

朝旨禁之劄子附於下方

實慶二年二月十八日省  
劉從政郎充慶元府府學

教授方萬里劄子竊惟鄞諸山天造地設峻秀拱揖如伏萬犀而四明一山峯巒峭拔延袤最廣僊池石窻尤爲勝絕故孫綽陸龜蒙諸公疊見賦詠至今郡以爲稱則是一郡之望山又非其他諸山比也國朝自天禧二年撥隸府學養士其來久矣係灌頂山普淨寺租佃歲入錢三百貫灌頂即四明之子山也

嘉定十七年冬忽有豪民唐執中者以四明山有少鐵鑛發見密於主管司冒佃鼓鑄焚毀林木掘鑿坑塹不惟一方騷動而破壞風水關繫非輕亟具公文申主管司以爲此山自隸本學已二百餘年其間豈無鐵鑛發見之時然前此未嘗掘鑿以求鼓鑄之利者必有謂也昔胡文恭公宿在慶歷間以登萊諸山居京師東隅民多取金其中以致地震請禁民鑿山以寧地道況今行都去四明無五百里而會稽山陵無三百里千巖萬壑氣脈相接豈容以鄰郡望山縱令豪民焚毀林木掘鑿鼓鑄臣子之義竊有未安至於孚靈育秀鍾爲一鄉人物門當今名公鉅卿大儒碩望布滿中外不應規此小利毀壞風水況在常平法諸坑冶興發而在寺觀祠廟公宇民居墳地及近墳園林者不許人告官司亦不得受理今山既隸府學普淨寺又已管佃而一郡士大夫墳墓之在其上者不知其幾豈不違背法意繼蒙主管司即時禁止

方幸平息書判見在今歲正月間復有丁思忠者隱下唐執中元斷事節徑就坑冶司陳狀行下告示本學刻佃普淨寺所管四明山即欲掘鑿鼓鑄蓋此山在本學初無利害不過歲得錢三百緡縱爲鼓鑄亦不失此萬里叢爾冷官竊廩鄉校亦不過三載何敢固執不可以拒泉司之命實以丁思忠冒佃此山歲認鐵鑛五千其直不滿二百千在泉司十路坑冶之撫初不欠此而一郡望山輕於毀鑿委有關係却恐今日龜勉狗從異時闔郡歸咎必曰使豪民鑿四明山自萬里始職守所係不敢自默除已力陳利害具申泉司外竊恐豪民規圖未已儻蒙軫念衆鄉望山所在乞賜劄下慶元府主管司以憑遵守不許人冒佃鼓鑄仍將唐執中丁思忠略加懲治以爲後來豪民違法規利者之戒伏候指揮右已劄下坑冶鑄錢司慶元府主管司各從所申事理施行外今劄付慶元府證應準此

它山即善政侯爲堰之地水南沿流皆山至是始有一山在水北因兩山相對堰得以成以其無山相接故謂之它山

天井山在通遠鄉神龍所居有三井焉一崑突然而出者下瞰百仞之淵地僅容側足緣蘿可行如此者數十步至下井井之旁石皆光潔如龍物常行久而熟之之狀又行三里至中井益險又三里至上井則難矣旱暵祈請得蜥蜴或蛇蟬之類自山下望之奕奕

有光雨輒應每欲雨則雲霧先興於此山山有龍王  
堂張良臣記

響巖縣東南五十五里句章鄉巖石壁立下浸江水水  
北作聲則巖中答之故曰響巖有影如佛像故又名  
佛影巖天寒有鷗鵲數百爲羣集於巖上故又名鷗  
鵲巖

北巖縣南五十里句章鄉巖中可容百人暑月清涼有  
頻伽鳥巢其中

鳳山縣西南七十里通遠鄉

石曰山縣西南五十里光同鄉山坡有石圓而匾濶可  
二丈中有穴似臼世傳葛仙翁煉丹之所傍有二足  
跡世謂之仙跡山下溪潭深迥杳不知其底有魚如  
舟或見則必作陰雨或有見龍首枕於山麓潭上者  
僊隱山與此山相連魏文節公杞作碧溪庵於其上  
芝山縣南五十里光同鄉

西石山縣南六十五里通遠鄉出石

東石山一名稽山縣東三十里出石

姜山縣南三十里平原中崛起有石洞三其一最大曰後巖中可坐數十人洞後又有一小洞上有小穴形圓如月可仰窺天里人像神祠於巖中後分其祀於山前巖下號前巖廟

茆山縣南五十里與姜山對峙

厲山縣東三十五里

陽堂山俗曰青山縣東四十九里輿地志云此山四面

懸絕下有鮑郎廟即鮑君生所居也

銀山縣西南四十五里地名小溪嘗產銀故名

錫山縣西南五十里嘗產錫故名

大含山縣東南三十里

白鶴山望春山皆在廣德湖

陶公山在東錢湖山下多朱姓居之世傳陶朱公嘗隱  
於此有釣魚磯在焉寶慶三年守胡渠建煙波館天

鏡亭於其上

詳見叙水  
東錢湖內



隱學山在東錢湖其下有栖真寺放生池

二靈山在東錢湖有張王行祠

梨花山月波山百步尖山皆在東錢湖

大慈山在東錢湖下水塢今丞相史魯公葬母夫人之地以此著名

聖女山管公山皆在縣西

珠山踔跨山

有瀑布

佛隴山阮山朱長山皆在縣東

東山黃山金文山五峯山皆在縣東南

建嶼山在縣西南四十五里

舊志載亶洲山在縣東四十五里按十道四蕃志  
云亶洲有虞喜塚晉屢召不至死葬於此東方朔  
十洲記云山有不死之草赤莖綠葉人死三日以  
草覆之即活按吳志黃龍二年春正月魏遣將軍  
衛溫諸葛直將甲士萬人浮海求夷洲及亶洲亶  
洲在海中漢武洞穴記言秦始皇帝遣方士徐福  
將童男童女數千人入海求蓬萊神山及仙藥止

洲不還世相承有數萬家其上人民時有至會稽  
貨布會稽東縣人海行亦有遭風飄至洲者所在  
絕遠卒不可得至故衛溫等但得夷洲數千人還  
今謂亶洲山去縣四十五里實無此山世傳今日  
本國即此洲然未知是否也又載雞鳴山云山有  
石井上有銅瓶著石有大石雞云從浮梁上飛來  
今猶鳴應扶桑曉太平寰宇記載動石山云有堅  
石高五六丈下有小石支之暴風雨則其石自動

山行者聞隆隆之聲又載靈山云山有石鼓臨澗  
若鳴則野雉翔鳴故曰靈山今境內皆無之

叙水

梁堰礮閘橋  
梁津渡附

水

奉化江南來互其東慈溪江西來互其北會而入海率

隨潮上下

詳見  
郡志

廣德湖縣西十二里舊名鷺脰湖唐大厯八年縣令儲  
仙舟加修治之功而更以今名貞元元年刺史任侗

浚而廣之灌溉甚博皇朝屢瀕於廢不果政和七年卒

廢爲田檢正王庭秀著水利說大卿王正己著廢湖

辯利害顛末甚詳附見於下

水利說曰鄆縣東西凡十三鄉東鄉之田取資

於東湖今俗所謂錢湖是也西南諸鄉之田所恃者廣德一湖湖環百里周以堤塘植榆柳以爲固四面爲斗門硤閘方春山水泛漲時皆聚於此溢則洩之江夏秋之交民或以旱告則令佐躬親相視開斗門而注之湖高田下勢如建瓴閘日可決雖甚旱亢決不過一二而稻已成熟矣唐貞元中民有請湖爲田者詣闕投匭以聞朝廷重其事爲出御史按利害御史李後素銜命詢咨本末利害之實銅獻利者置之法湖得不廢後素與刺史及其寮一二公唱和長篇紀其事而刻之石詩語記湖之始興於時已三百年

當在魏晉也國初民或因淺浣盜耕有司正其經界禁其侵占太平興國中桀黠之民窺其利而欲秘之復進狀請廢湖朝下其事於州州遣從事郎張大有驗視力言其不可廢且摘唐御史之詩叙致詳緻記於石刻熙寧三年知縣事張峒令民浚湖築堤工役甚備曾子固爲作記歷道湖之爲民利本末曲折以戒後人不輕於改廢也元祐中議者復倡廢湖之說直龍圖閣舒亶信道閒居鄉里痛詰折之紀其事於林村資壽院緣雲亭壁間謂其利有四不可廢今舒公集中載焉於是妄者無敢鼓動久之有俞襄復陳廢湖之議守葉棟深罪襄襄不得騁遂走都省獻其策蔡京見而惡之拘送本貫襄懼道逸政宣間淫侈之用日廣茶鹽之課不能給官官用事務興利以中主欲一時佻躁趨競者爭獻議括天下遺利以資經費率皆以無爲有縣官刮民膏血以應租數犬豕每一事必有一大閹領之時樓吳試可丁憂服除到闕

蔡京不喜樓而鄭居中喜之始至除知興仁府已奏  
可而蔡爲改知遼州月餘改隨州不滿意也異時高  
麗入貢絕洋泊四明易舟至京師將迎館勞之費不  
貲崇寧加禮與遼使等置來遠局於明出入鄧忠仁  
領之忠仁實在京師事皆關決樓欲捨隨而得明會  
辭行上殿於是獻言明之廣德湖可爲田以其歲入  
儲以待麗人往來之用有餘且歇造盍舫百柁專備  
麗使作沙海二巨航如元豐所造以須朝廷遣使皆  
忠仁之謀也既對上說即改知明州下事興工造舟  
而經理湖爲田八百頃募民佃租歲入米近二萬石  
佃戶所得數倍於是西七鄉之田無歲不荒異時膏  
腴今爲下地廢湖之害也靖康初頗有意於復民利  
于時爲御史屬嘗以唐諸公詩與曾子固張大有記  
文示同列欲上章未果而敵騎圍城自是國家多故  
日尋於戰用度不給豈敢捐二萬碩米以利一州之  
民則湖之復興殆未可期建炎甲戌金陷明州盡然

州治自唐至今石刻皆毀折剥落無遺跡予恐後人有欲興復是湖無所考據故詳錄之以俟討求東錢湖辨曰廣德湖興廢利害南豐之記備矣東南杭稻以水爲命陂障所以浸灌無陂障是無杭稻而曰廢之非愚則陋此古今之所甚重者宜南豐之所特書雖然未可以一概論也易曰變而通之以盡利夫變則易通則難知變而不能通何利之有今謂湖無所利則興築之功豈爲徒勞歷代以來七鄉所仰不可誣也謂湖爲有所利則廢罷之後未嘗病旱數十年內萬目所視不可誣也蓋鄞之西南其鎮四明重山複巔旁連會稽深阻數百里萬壑之流來爲大溪而中貫之下連鄞江傾入巨海沛然莫之禦故民田不蒙其利而並海斥鹵五日不雨則病此湖之所以與七鄉杭稻以爲命者也自唐大和中縣令王元暉爲它山石堰橫截大江抑朝宗奔猛之勢溪江遂分上下之流懸絕數丈水始回環滙於七鄉以及於城郭



江沱海浦晉時潮汐之所往來皆澄泓清甘分支別派觸岡阜則止然後民田厭於水矣故自大中以後始有廢湖之議知其有以易之也不然一方之人豈其輕舉如是歷代建請不可悉數至政和卒成之迨今踰五十年亢陽大旱不爲少矣公私無粒米之耗常與東鄉承湖之田同爲豐凶相等貴賤非若它所歲以旱訴蠲租減賦與小民田所耗得不償失者等也其故何即是則石堤之利有以易之此變而通之之利其理明甚人第弗察耳不然雖時月不可支安能及數十年無所害耶夫利害至於數十年不變天理人事既已久定議者猶欲追咎過矣湖之爲田七百頃有奇歲益穀無慮數十萬斛輸於官者什二三斗大之州所利如此詎可輕議哉士大夫不揣其本而齊其末且未嘗身歷親見徒習飯豈羹芋之謠與夫南豐之文焜耀辨論震蕩心目夫亦不思甚矣故金作廢湖辨濬謹按二者各有說惟是今年夏初

抑秧未畢愆陽再旬東鄉惟恃錢湖以不恐西鄉渠  
流已竭舟膠不行人情皇皇不可一朝居幸而梅雨  
隨應錢湖之閘未開而澤已決設更數日不雨錢湖  
猶可資灌溉而它山堰水決無可救旱之理惟湖已  
變爲田田必不可復爲湖已事不必論若它  
山仲夏堰之水歲濬渠而深蓄之其庶幾乎

東錢湖縣東二十五里一名萬金湖以其爲利重也在

唐曰西湖蓋鄮縣未徙時湖在縣治之西也天寶三  
年縣令陸南金開廣之皇朝屢濬治周回八十里受  
七十二溪之流四岸凡七堰曰錢堰曰大堰曰莫技  
堰曰高湫堰曰栗木堰曰平湖堰曰梅湖堰水入則

蓄雨不時則啓閘而放之鄞定海七鄉之田資其灌

溉茭葑蓴蒲荷芡滋蔓不除湖輒堙淳熙四年皇子

魏王鎮州請於朝大浚之

二月七日勅中書門下省尚書省送到皇子準武保

寧軍節度使開府儀同三司判明州軍州事提舉學  
事兼沿海制置使魏王狀奏臣淳熙三年十二月十  
七日準尚書省劄子爲臣養照對明州被山帶海山  
高於田田高於海水有所洩每歲不苦水而苦旱前  
古因山形有不合處築爲長短塘受澗谷之水七十  
有二號東錢湖亦號萬金湖唐天寶中鄞縣宰陸南  
金益濬而廣之其長八十里灌田一百萬餘頃至本  
朝天禧中守臣李夷庚因舊廢址增基堅固自此七  
鄉之民雖甚旱而無凶年憂慶厯八年縣令王安石  
重清湖界嘉祐中始置硤閘至治平元年復修六堤

立陸南金李夷庚之祠於堤旁歲久廢壞至紹興十六年邑民懷思舊德復修祠宇塑神像皆有遺跡及碑刻可考惟是自治平元年至今百有餘年湖寢堙廢焚葑生之至二萬餘畝豬水不多舊年於湖內取水灌注田畝一歲凡三次今止放得一次不能徧及郡人病之乾道五年守臣張津具奏乞開焚葑得旨依奏趙伯圭踵其後遣知縣事楊布量步畝許徒庸當用錢一十六萬五千八百八十八貫米二萬七千六百四十八石工役至大費用不貲以故中輟皆有案牘可考自臣到任恭承前後所降詔書指揮興修水利今年四月據知鄞縣事姚祐乞開宋湖委長史莫濟司馬陳延年相視基址詢訪湖邊父老以及士大夫皆以爲當開遂委官量步畝實數具奏以聞在法農田水利並以食利衆戶共力修治合是民間出財陛下聖慈愛念黎庶爲之出內帑會子五萬貫義倉米一萬石臣仰體聖意凡用竹木支犒賞般運焚

封並用本州錢以佐其費緣是地界闊遠分作四隅  
差官董役復選擇土人有心力者相與辦集今莫濟  
陳延年往來監視計開封二萬一千二百一十三畝  
三角一十六步至十月三十日已遂畢事他般運已  
開茭葑增廣塘岸或集在山坳更須月餘方得淨盡  
民間見百餘年積第一日掃除無不引手加額稱頌  
聖德臣亦欣快忙蹈良曰慶幸臣本前官吏除良史  
莫濟司馬陳延年已蒙聖恩除職外其餘提督官以  
下俱有勞效力欲乞睿旨許臣開具保奏擢賞庶幾  
爲民興利之宰有所激勸奉聞事十二月十三日三  
省同奉聖旨依奏旨今開具下項保明是實伏候聖  
旨二月七日三省同奉聖旨姚祐減二年磨勘陳公  
亮潘渭卿錢蕊林泌司公望顧仁陞顧仁俊並減一  
年磨勘許常和顧仁智顧仁興陳觀被令閱水於外  
具各人月下合納官物內量與減免張允迪周穀許  
賢於本州錢內搞設一次然當時所除

茭葑未出湖堤既復填淤嘉定七年提刑程覃攝守

捐緡錢置田收租欲歲給濬治之費朝廷許其盡復

舊址

劉子竊見慶元爲郡瀕海近江並無陂塘全仗東錢湖及廣德湖它山水飛溉田畝廣德湖久

已成田餉水軍不敢復議它山之水漲則般堰入江錢悉分以枝港通舟陰田每歲四季須當淘沙開淤

始能無礙所用租雇人夫一歲當一百貫又本府見行用錢一千二百餘貫置田四十畝委鄉官收掌將

丞提督遞年充雇夫之用更不擾民惟有東錢湖爲民利甚博湖面開爲十萬畝灌田一百萬餘畝爾後

茭葑湮塞向者部守控告朝廷陳乞錢一十六萬有餘貫米二萬七千有餘石雇役民夫開濬茭葑未蒙

允可魏王判慶元日復行申奏蒙聖旨出內帑五萬緡義倉米一萬石本府均官民戶有田之家出人夫

器具又差彼水軍同共般葑積於湖中候有水方行般載暨有水之時欺罔官司將葑復行平攤在湖徒費錢米無補纖毫其時焚葑尚少今乃不然民間因焚葑之漲塞並皆計屬請佃或恃強侵占爲己業種荷壞田今則湖中之水通利如線夏初闕雨盡開湖間灌田無多幸而朝廷所禱即應遂得成熟士庶陳述利害覃同通判親往相視明委湮塞若欲科率民戶有田之家畝頭出錢則騷擾尤甚復差水軍非徒無補水利且妨教閱覃區區管見不可求速效當磨以歲月合置田一千畝每畝常熟價直三十二貫官會計錢三萬二千貫每歲得穀二千四百餘石如義倉例輸委近鄉等戶才力最高者掌管分在近湖寺院安頓每歲農隙之時許民間剖取淤葑計船之大小論取葑遙近至取葑之多寡立爲定則酬以穀子一年會計可以運二萬餘船若能去二萬餘船葑則可儲二萬餘船水年年開濬水利日廣十數年之後

必可復見舊湖基址諸鄉之田雖旱無憂若或坐視不早爲之計它時慶元之田俱無水利可恃則與作天山田等耳利害曉然不敢繁述覃備員攝郡搏節浮用謹備上項三萬二千貫付近鄉等戶一面置田條畫規式置立級榜但其間除月波寺隱學寺嘉澤廟錢堰四處舊有荷池許留栽種見委縣丞縣尉置椿針立界至應留外餘外盜種強占或有已墾成田並合開揭如仍前盜種強占不論官民戶定行處治重責覃竊慮所立規模本年置田來年收穀農隙興工後年田家方得其利如是則來年闕雨農家豈不被害覃今再備錢三千餘緡糴穀二千餘石一面收買淤葑庶幾向後可以做此施行事大體重若非朝廷勅賜玉璽他日必有復萌侵占者妄行陳乞更改伏望特係撫卷行下本府常切遵守不許妄將上件穀子別有移用如違許民越訴照常平餘法施行伏候指揮九月十九日奉聖旨依所申事理施行其月



波寺隱學寺嘉澤廟錢堰四處荷池亦仰一體盡行  
開拆仍懸榜禁戢今後不許復有侵占如或違戾仰  
本府遣人根勘具情犯申尚書省內命  
官取旨鎔責其官民戶定重罪施行而後來有司

奉行不虔田租侵移他用湖益湮寶慶二年尚書胡

槃守郡請於朝得度牒百道米一萬五千石又濬之

劉子竊見本府負郭膏腴連亘阡陌勸農之政莫急  
水利鄞縣七鄉歲不告旱所資以爲灌溉之利者惟  
東錢湖湖面闊十萬畝周迴八十里受七十二溪之  
水所歸水盛可豬旱乾則放凡湖下之田受灌溉者  
百萬餘頃年來焚葑障塞官司失於開濶以致水面  
日狹積水浸少今年春夏之交偶闕雨澤委鄞縣丞  
常從事前去開濶放水下田據稱止放一二版而湖  
水所存已無幾若因循度日不行經理深慮浸致湮

淤坐失水利委實未便契勘昨來提刑程覃來攝郡  
事嘗創立開湖一局撥府錢三萬二千緡欲買田一  
千畝歲收租穀二千四百餘石募民歲取芟葑二萬  
船可添豬水二萬船遲以十數年東湖之葑可以盡  
去然自置局之後有司坐視不曾舉行已買之田歲  
收租穀未免將作應付修路之用未買之錢見存留  
於庫不曾買田今湖面芟葑日生月長無有窮已根  
株滋蔓日吞水地昨因士民有請槩即躬親前往相  
視繼委通判蔡奉議重行檢踏據蔡奉議申五月二  
十六日躬親前去是日自錢堰拏舟先登二靈山一  
覽盡見積葑充塞殆十之八九惟上水下水與梅湖  
三節粗存水面既已得其大畧迺急易舟前邁令舟  
人以竿刺水步步考較根株之下虛實相半最深渺  
處不過數尺惟是葑積歲久勢雖浮上根實附下其  
間又雜芟葑彼此麗屬重以荷荇蓴蒲之類生生無  
窮異類同黨其近山岸處積湮更甚亦有因而爲塍

漸成畎畝者及詢問父老審訂事宜皆云東湖自魏王臨鎮之時申請濬治一次今踰四十年有司未嘗過而問焉失今不治加以數年茭葑根盤水不可入雖重施人力亦終無補會稽之鑑湖蓋可監也儻蒙有司申請開濬則湖下兩縣田業可以歲享灌溉之澤湖上四望漁戶可以日獲鰵銖之利號令一出其誰不然且魏王開湖之始役兼資於兵民功具舉於表裏故事立就其後有司非不念此而或廢於鹵莽或牽於事力或坐視不治或粗舉無益因循積累至於今極矣至於所用日時必須於農事之隙八九月之交水勢稍退興工併手則民有餘力官無峻期或伸或縮惟吾所命實爲至便今條具到用工次第下項一今開濬東湖以興水利勢須先去茭葑併其根株然後放乾湖水以去淤泥庶幾開濬既深可瀦水澤但工役頗大未易輕舉今當以序而爲之然役水軍則用生券或募民夫則用雇直契勘昨來魏王

開湖因錢米不給頗有擾民今要當斟酌使公私俱便乃爲至計擬於八九月之間先用水軍人船以去茭葑然後於十月內募湖下有田之家出工夫人力以助有司庶事可以辦集一契勘昨來魏王開湖規畫未遂盡善頗有遺恨所開茭葑積於湖旁候有水用船運去洎至水生用人船般運乃多爲欺罔將茭葑平攤湖中復至連塞水面徒費錢米無補纖毫今者用工不可又蹈前轍然湖際四山少有可積葑去處若即用舟般運尤爲重費衆議今當聚茭葑於泥築爲一堤可以盡除茭葑之根株可以便民旅之往來但昨者丞議欲自月波寺築至二靈山橫絕渡湖延袤八百餘丈功役尤大不可輕爲今者之議欲自郡家山築至揚家山頭繞三四百丈工役減半可以舉行一東湖植荷民徼微利所至皆是未免妨木或者乃持荷可養水之說而不受淤泥曾不知水淺則荷盛水深則荷衰理之必然所易曉者昨程提刑

嘗申請不許民戶種荷已蒙朝廷行下盡令屏除今  
未十年荷蕩已占三之一茭葑因占三之二今若濬  
湖勢須盡行屏去自後不許種植荷蓮仍乞朝廷檢  
會已降指揮施行如或違犯許人陳首遣人根勘具  
情犯申尚書省內命官取旨重罪施行一今濬湖必  
當放水先須修整諸處石閘放運河之水以入於江  
然後放東湖之水以入於河河水潴蓄稍多庶幾湖  
田之民來春不失灌溉之利右件開湖事條列在前  
本府除已置開湖局委通判蔡奉議暫充提督官外  
望朝廷給降度牒一百道支撥常平義倉米二萬石  
下本府添貼開濬東湖支費東湖畫圖內已貼說築  
堤之路與前此不同並於風水無妨謹具申尚書省  
伏候指揮九月二十一日奉聖旨並依所申令浙東  
提舉司於常平義倉米內支撥一萬五千石及令封  
樁庫支撥度牒一百道付本府每道作八百貫文變  
賣並充開湖使用務要如法開濬經久流通毋致

積泥再有堙塞仍仰本府常切覺察嚴立賞榜今後  
如有官民戶寺觀復行侵占并種植荷蓮違戾之人  
許人陳首即仰將犯人送獄根勘具情節申尚書省  
命官取指揮重行鑄黥餘人定行決配仍具已開掘  
次第及用工役錢米賑狀申并下提領  
十月命水軍  
封樁庫所浙東提舉司各證應施行

番上迭休且募七鄉之食水利者助役各給券食和  
寒輟工明年春夏之交役再舉農不使妨耕兵不使

妨閱基漁戶徐畢之十月七日告成詔勞功有差提

官通判蔡範特與升擢差遣一次總管韓宗元特令  
再任路分居純仁特減三年磨勘鄞縣丞常棟特轉  
兩資水軍正將王選倪玆各特減二年磨勘準備將  
孫茂王戩各特轉一資白身王茂特與補守關進勇

副尉紹定元年三月十八日省劄

尚書猶懼其無以繼也奏以贏錢

二萬八千三百四十七緡有奇增置田畝合舊穀石  
俾贏三千令翔鳳鄉長顧泳之主之分漁戶五百人  
爲四隅人歲給穀六石隨茭葑之生則絕其種立管  
隅一人管隊二十人以轄之府縣丞以時督察有旨  
悉如請仍命提舉常平司董其事即陶山立煙波館  
天鏡亭郡人寶文閣學士史彌堅記自此不難葑者  
十六年幾無湖矣淳祐壬寅冬制守陳埴因歲稔農

隙命制幹林元晉僉判石孝廣行買葑之策不差兵  
不調夫隨舟大小葑多寡聽其求售交葑給錢各有  
司存初至數百人已而棹舟求糧至者日千餘可見  
遠近樂趨向也淘湖所收率以佐郡家支遣至此方  
全爲淘湖之用

渠堰硨閘

它山堰縣西南五十里先是四明山水注於江與海潮  
接鹹不可食不可溉田唐太和中鄮令王公元暉始



疊石爲堰於兩山間闊四十二丈級三十有六冶鐵

灌之渠與江截爲二

唐亮闢黎有詩云截斷寒流疊石基海潮從此作回期行人自

老青山路澗急水聲無盡時

渠流入城市繚鄉村以漕以灌其利

甚博故堤防濬導歲以爲常提刑程覃攝守買田取租以給經費詳載郡志

仲夏堰縣西南四十里唐太和元年刺史于季友於四明山下開鑿河渠引山水流入諸港置堰蓄之溉田數千頃

西渡堰縣西二十里

北渡堰縣南二十五里

北清堰縣西北二里

長塘堰縣南二十五里江河夾岸爲塘袤百餘丈俗呼爲百丈堰當風潮之衝禦河流之洄以故累敗役戶坐是蕩產者什七八里士董堂相地勢謂河洄本爲溉塘下之田然不可與水爭地乃以田易鄧橋廣福院田鑿爲渠環之以接舊河之洄使仍可溉塘下之

田於河洄鄰江之地各捐半里許於其外爲堰二以殺水勢舊塘遂堅壯民病始蘇至今賴之

上河堰下河堰縣南三十里乃鄞塘鄉姜山之前上下河之堤也上河則白杜橫溪山源注之與東錢湖水通下河則銅盆浦有堰常浦進林有硤硤通奉化江潮雨滂則江潮接之二河漲水相迎故堰善敗行者居者皆謂二堰各遷八十餘丈則依山之麓易於隄防且得白杜黃溪之源回環舊河中

舊河今爲下河從堰則爲上河

矣  
可溉田五六百畝而得常稔亦無妨他鄉水利居  
人欲徙未能也

爐頭堰

縣南二十五里

銅盆浦堰

縣南一十五里

鄭家堰

縣南城  
外半里

道士堰

縣東城  
外半里

林家堰

縣東  
五里

倪家堰

縣東  
半里

邵家堰

縣西北  
十五里

蘭浦堰

縣南五  
十里

渾水閘

縣西二十里西門外花園側甬東林  
家道頭錢家道頭皆有閘今多湮塞

行春碶

光同鄉四十三  
里俗名南石碶  
積瀆碶  
光同鄉四十一  
甲又名下水碶

烏金碶句章鄉鎮甲又名上水碶嘉定辛巳刺使魏峴

申朝省降度牒再修

回江東西兩碶

陽堂鄉六甲

回江西碶

蕭皋碶

手界鄉二十甲

貝則碶

手界鄉十二甲

歟碶

豐樂鄉二十三甲

東周碶

豐樂鄉十五甲

古塘碶

豐樂鄉二十五甲

樟木碶

鄞塘鄉十八甲

練木碶

鄞塘鄉三十甲

史家碶

鄞塘鄉十三甲

鵲巢碶

手界鄉鎮甲今廢爲田

茅針碶

鄞塘鄉

荻埭碶

手界鄉二十一甲邑簿黃寧創於熙寧

右堰碶舉其渚水之大者其餘不及盡紀沿江皆堰一壞則渠水泄而海潮入皆所當謹也

江東碶閘縣東城外半里淳祐二年祕閣修撰陳埴守郡日據士民白劄子本府江東米行河舊有碶閘隨時啟閉內通東湖水脈外障大江潮汛沿河兩岸各有古來石礪四五十年以來兩岸居民節次跨河造棚汙穢窒塞如溝渠然水無所洩氣息薰蒸過者揜

鼻近歲余家橋夾家橋低塌河面舟不可通不惟有妨民旅  
運載兼父老流傳謂此河通塞於四明風水最有關  
繫乞行開濬復還古蹟仍乞增高兩橋以通舟楫本  
府遂具申沿海制置使司差委路分權帳前水軍統  
領傅端尚修武本府司決馮喜孫迪功同共相視告示  
侵占古河起造浮棚之家日下自行除圻斟酌多寡  
閤支官錢俵散尋據所委官申並已圻除浮棚取見  
元來石礪訖本司遂差撥水軍開濬河道般去瓦礪

撤障蔽以見天日之清明蕩汙穢以通江湖之脈絡

邦人無不稱快於是重修浦口疏水二閘改造浦東

橋

元名余家橋

澄波橋

元名夾家橋

各增高二尺於浦口橋北

創置淘河閘官舍三小間差下釐務使臣一員專一

監臨啓閉每月添給官會壹拾貫又江東寨撥水軍

二名役使每月各添支官會叁貫文又置鈎鋤鍤

之屬具載板榜再差官打量自浦口橋河道南北兩

岸闊狹丈尺從制置使司置立石碑閘官舍內久遠



參照開具下項

浦口橋下

闊一丈一尺

浦口閘外

闊一丈一尺

浦東橋下

西闊一丈二尺五寸  
東闊一丈三尺六寸

澄波橋下

西闊二丈三寸  
東闊一丈六寸

米行橋下

西闊一丈三尺八寸  
東闊一丈四尺

疏水閘裏

闊一丈四尺

胡家橋下

闊一丈五尺五寸

真君廟橋下

闊二丈六尺七寸

真君廟橋東至棲心寺橋一帶並係大河

以上自浦口橋打量至真君廟橋河道東西通  
長二百丈三尺七寸並係浙尺

保豐硤縣北城外半里西管支港受它山林村兩路之  
水滿則洩之江若行春積瀆烏金石塘諸硤皆所以  
洩西管水也行春積瀆烏金相距不過數里惟石塘  
硤回環而北三十里間無一硤可以洩水每遇霖潦  
往往匯於城下返藉城中三喉傳送三喉穴城爲水  
道僅通一綫所洩能幾此保豐硤之不可不復也先

是淳祐辛丑余叅政天錫典鄉郡已有意經營不便者怵以風水之說明年郡守陳塏講究水利邦人具言保豐興廢關千里豐歉即拉西倅尤熾南熾趙體要路分傳端尚僉判石孝廣知縣謝琳親至地所相攸乃知故基爲硯旁居民李沈二家冒占爲屋爲蔬畦下其事於都廳索兩家契據元無所憑但云祖父以來相承有此具伏侵冒於是親督壕寨引繩度地硯所不用者捐以予之且厚所犒然此地本樓店務

所有元非二家之物詢之耆老俗訛爲寶峯意當日  
藉此碑之利則豐年可保第圖志不載不知廢在何  
時今始正名已申朝省照會爲閘兩間立石柱三造  
板橋於浦口以便行往是役也物聽匠石承攬先給  
本錢工以水軍別廩生券民不知而事已集標識歲  
月見於雙柱石扁

大石橋碑縣東城外一里童育兩山之水本自此入江  
歲久湮塞亦圖志之所不載淳祐二年郡守陳塏親

訪古蹟得斷石沙磧中此地良是遂即橋下作平水石堰而於浦口置閘立橋內可以洩水外可以捍潮  
碶閘之設必啓閉得宜則澇有所洩旱有所潴水  
常爲吾之利其或當啓而閉當閉而啓則害亦如  
之四明前此水患甚至民居沈寗早稼生蟲者無  
他惜水太過諸碶不盡放故也淳祐二年夏淫雨  
不止雨月餘人人皆憂無可救療一飽壞於垂成  
矣郡守陳塏謂旱澇豐歉在天者固不可必若人

事所當修豈容不盡其力遂置平水尺朝夕度水  
增減以爲啓閉地形高下不等水之深淺亦然大  
槩郡城河濱之水常以三尺爲平餘可類推過平  
以上則當洩中間數夕暴雨水驟長至四尺有奇  
守夜聽雨聲日視水則時當啓閘率分遣官吏四  
出斟酌尺寸爲放水分數亦或盡板一決城中三  
喉晝夜使之通流是年雖積潦穀粟蔬果一無所  
傷歲以稔告所以然者常年放水田氓告之都保

都保告之縣縣告之郡往復行移動是旬日水之  
溢者已壑稻之浸者已芽今州郡一聞雨驟水汎  
不待都保縣道申到放閘之人已遣行矣防患未

然所宜書以示後

丞相鄭申公手書附見於此○聞之投閘憂國惟切年豐之願

况鄉邦乎日者未秋而潦每見賢邦伯開水利於  
先疏水患於後皇皇汲汲如救溺然人始疑其迂  
而終服其智獨拙者之見以爲人力足以奪天造  
然不期響應之速如此昨出郊見穫稻之田龜拆  
無塗足之累晚稻之田魚游無涸轍之虞村春畝  
饁手額歎咏爲之寢飯俱適茲蒙寵示鄞志紀載  
風簷快讀喜見鬚眉矧硯閘之名雖生長是邦者  
有不能悉今名稱處所及蓄泄啓閉一覽可周既

收目前之效復垂後日之規辭簡事備利害並列  
可謂深切著明矣近世官治所尚凡有施置必爲  
豐碑羨語采圖華編以誑耀耳目今以事實繫之郡  
譜使來者有攷焉非心誠求之不及此光用欽服

云云

迴沙閘初勑於淳祐二年秋其地則它山堰之吳家橋

也慶元三面皆江潮汐上下一郡七鄉以飲以溉者

它山之水而已其源自越之姚虞剡歷分水嶺石壇

壩村大小蛟至它山號大溪自堰而下爲江堰之上

旁爲小溪分注七鄉入於城今日月湖運河門治池



沼渟涵如壁縈紆如帶者皆是水也大小溪而上夾岸皆沙雨則與水俱下江以堰限沙不能越故併聚於小溪水爲不流井泉斥鹵農田失溉民甚苦之歲至三四淘費緡錢數萬已復壅塞如初脫遇暴漲沙自西岸入其壅尤甚堰上下級皆三十六其上沙沒盡下不沒者五六知府制置秘撰少卿陳公塏來訪民瘼知沙爲害一日率僚屬親往以求其策顧謂制幕林君元晉曰西岸廣袤雖未易圖由小溪而入者

尚可施人力與其洶於既積不若過於未至水輕清  
居上沙重濁居下將建閘小溪之衝水溢則閉平則  
啓沙溢於外去之差易未幾溪上寓公新廬陵魏守  
峴書來述鄉氓意與公合稽於衆卜於善政侯又合  
議乃決因屬魏使總其事新進士安君劉佐之文移  
書擬屬之林君秋毫無擾庀役六十日無日不晴訖  
役始雨溪谷之民觀者如堵閘三間版皆七中間常  
留一版俾上可通舟水涸則去東西閘常留兩版餘

分置看守人許亞一等家水泛則不拘早夜集衆力  
急下版相水高下版隨以增減常令水自上入溪沙  
隔於外水平去版通舟如故閘外沙積稍多即仰措  
置水利劉湜等申府切待支錢米差官吏前去雇人  
監淘舊有淘沙田歲收六十餘石寄樁常平倉董工  
使臣劉湜家小溪素筦它山水利今責以措置除制  
司月支十七界官會十五千外更月給米一斛許亞  
一等兄弟子姪八人居閘旁應募司啓閉月共給米

一斛如有更替則改畀承替人已約束守閘人不許  
啓閘時邀求舟人錢物除水溢下版外平時不許多  
留閘版故妨船筏往來安頓閘版之家不許作踐移  
用損失再照它山堰爲鄉民曹家船筏自堰下江致  
損堰石最爲利害自祕撰陳公下車立賞五百十禁  
戢無敢犯者已再申嚴有違此令許諸色人陳告即  
先支上項賞錢仍許執留船筏就行給付凡前項合  
約束之事並載石碑植於閘所閘記林君所撰云

橋梁

東津浮橋

靈橋門外唐長慶三年刺史應彪置凡十餘  
舟亘板其上長五十五丈闊一丈四尺初置  
於東渡門外江闊水駛不克成乃徙今地方  
經始時雲中有形如虹映其上衆咸異之初  
名橋曰靈現又曰靈建以此也太和三年刺  
史李公文孺信昭問刺史黃公晟皇朝開寶  
中守錢公億乾道中守張公津慶元中守林  
公大中嘉泰元年守陳公相嘉定四年守程  
公準六年提刑程公覃攝守十六年守趙公  
師岳皆乘其圯而新之寶慶二年守胡公槩  
謂民已病涉凡負橋之舟亘舟之板維舟之  
纜繫纜之柱皆一新之凡修置皆有記今逸  
其碑惟曾公從龍史公彌堅二記在焉○淳  
祐二年壬寅秋七月圯於颶風制守陳公塏

又新之蓋自長慶迄於今凡幾建鳩工輯材  
取辦屬邑橋成貫以巨纜疇於深淵風濤乘  
之脫落無策聽自壞新造則經年不可辦公  
喟然顧僚屬曰以經營之不易聽蜚廉之自  
暴可乎吾昔遊淮漢間有並五六十舟而可  
收於指顧之頃者蓋思其計往往一歲颶作  
有時由六月既望迄九月既望間一見之閒  
暇則聯絡通往來此時則卷而藏之取水軍  
脚船四濟行者庶乎可久衆歡然曰令簡而  
易行橋可壽矣命幹幕林元晉路分傳端尚  
董其概無事文移聽民就役厥材孔良閱四  
月事就揭其約於靈濟庵俾後來有攷焉

慶豐橋

舊名望雲在望京門外紹聖四  
年建乾道四年守張津重建

新石橋

南門外寶慶三  
年守胡槩建

澄波橋

靈橋  
門下

浦東橋

靈橋門外

張贊橋

縣東五里元豐五年建

白鵲橋

縣東七里紹聖二年建

七里店橋

縣東七里紹聖元年建

盛店橋

縣東十里元符元年建

回樟橋

縣東二十五里紹聖三年建

回江硤石橋

縣東二十五里熙寧元年建

張村石橋

縣東三十里元祐元年建

顏橋

縣東南三十里紹聖元年建

翻石橋

縣東南三十里熙寧元年建

鄧橋

縣東南五十里天禧二年建

馬湖橋

縣西南五十里元祐三年建

高橋

縣西南五十里元符元年建

小溪江橋

縣南五十里元豐元年建長二十有八丈闊二丈四尺而爲屋於其上紹興十五年邑人

朱世彌世財重建  
唐昌言爲之記

仲夏橋

古有大橋徑趨小溪宣和中斷之以防寇一方病涉商旅以絕紹興八年通料舒國佐率鄉豪

重建定其址而未遂鎮官游彥浥成之莊漢英張光明莊椿輸財鳩工柱板皆以石從一百六十尺衡十有二尺費緡錢二千有奇經始於十四年之八月落成於次年之仲夏吳秉彛記

北渡橋

縣南三十里  
熙寧元年建

趙家橋

縣南二里元  
符元年建

林村市盤橋

縣西五十里熙寧初建乾道六年監務范淮率鄉人易木以石

流花橋

舊橋圯於水乾道六年監務范淮率鄉人疊石爲之開封姜陳記名以抑洪

洞橋

二橋皆在林村

沈店橋

縣南七里元  
符三年建



望春橋

縣西十里元符元年建紹興中重建今改慶寶橋

高橋

縣西二十里紹興中重建

夏家橋

縣南五里元符三年建

周賣魚橋

賣蓆橋

大河橋

拗水橋

四橋皆在縣東

宋招橋

縣東十里

朱家橋

縣東十二里隸手界鄉

橫石橋

縣東十二里隸手界鄉

鄧山橋

縣東二十五里

盛店港石橋

縣東二十里紹聖元年建

河渡

桃花渡

即東渡

西江渡

即西渡

銅盆番石渡

俞公李家渡

周蘇渡



寶慶四明志卷十二

# 欽定四庫全書

史部

寶慶四明志卷十三  
五至

詳校官監察御史臣沈孫璉

檢討臣德生覆勘

總校官降詞編修臣倉聖脉

校對官中書臣翁樹棠

謄錄監生臣張坊

欽定四庫全書

寶慶四明志卷十三

宋 羅濬 撰

鄞縣志卷二

叙賦

鄉村

武康鄉在府城下管小江里

東安鄉在府城下管白檀里

清道鄉在縣西管里一村二

橫山里

高橋村

沈店村

萬齡老界鄉在縣東管里一村二

赤城里

盛店村

尚書村

萬齡手界鄉在縣東南管里一村二

赤城里

張村

鄧橋村

光同鄉在縣南管里一村二

清林里

北渡村

櫟社村

桃源鄉在縣西管里一村二

石馬里

黃姑林村

林村

鄧塘鄉在縣南管里一村二

姜山里

姜山村

銅盆浦村

陽堂鄉在縣東管里一村二

太白里

寶幢村

東吳村

翔鳳鄉在縣東南管里一村一

滄門里

隱學村



豐樂鄉在縣東南管里一村二

石柱里

乾坑村

故干村

通遠鄉在縣西南管里一村一

李洪里

環村

村名舊犯欽  
宗廟諱故改

句章鄉在縣南管里一村二

夕陽里

高橋村

市中村

鎮市

小溪鎮

句章鄉唐曰光溪鎮

橫溪市

豐樂鄉

林村市

桃源鄉

甬東市

萬齡鄉

下莊市

東吳市

小白市

並陽堂鄉

韓嶺市

下水市

並翔鳳鄉

田畝

田七十四萬六千二十九畝二角二十九步

地一十四萬九千五畝五十七步

山九十萬二千六十四畝三角四十七步

戶口

戶四萬一千六百一十七口六萬五千六百九十四

坊郭兩鄉戶五千三百二十一口九千二百八十三

外一十一鄉戶三萬六千二百九十六口五萬六千

四百一十一

夏稅

絹二萬四百四十二匹一丈九尺一寸七分

正稅一萬六百二十五匹一丈九尺一寸七分

和買九千八百一十七匹

紬六千二百八十六匹一丈三尺七寸一分

正稅二千七百六十三匹一丈三尺七寸一分

和買三千五百二十三匹

綿四萬九千八百一十兩一錢三分七釐

折變

折帛錢

絹四千一百七十七匹計錢二萬七千七百六十六貫五百文

正稅一千二百三十二匹計錢八千六百二十四貫文

和買二千九百四十五匹計錢一萬九千一百四十二貫五百文

紬三千九百六十四計錢二萬六千三百一十貫五百文

正稅一千一百四十一匹計錢七千九百八十七貫文

和買二千八百一十九匹計錢一萬八千三百二十三貫五百文

綿二萬五百五十五兩計錢八千二百二十二貫文

折麥

絹二百六十匹一丈三尺

紬七十六匹二丈四尺五寸

綿一千三百八十四兩一錢九分

通科麥一千四百八十六石七斗七升八合

八勺一抄

正一千三百五十一石六斗一升七合一

勺

義倉一百三十五石一斗六升一合七勺

一抄

亭戶折鹽

絹二十二匹

紬二尺八寸八分

實催本色

絹一萬五千九百九十二匹二丈三尺五寸七分

比元額增九匹一丈七尺四寸  
係人戶增產及填所虧紬數



紬二千二百四十九匹二丈四尺五寸

虧九尺八寸三分八

絹內  
填納

綿二萬七千九百一十兩四分四釐

比元額增三十九兩一錢

係人戶增  
產添納

秋稅

苗米四萬三千一百二十一石八升二合八勺

折變

糯米四千六百四十一石九斗七升折苗四千七

百二十一石九斗五升四合

亭戶折鹽五十八石九斗四升一合

實催本色三萬八千三百四十石一斗八升七合八

勺

酒 以寶慶三年爲準

小溪務係省場

本柄錢三千六百一十一貫六百八十文

糯米五百五十石每石三貫九百九十文計二千

一百九十四貫五百文

麴麥一百三十石三斗九升六合五勺每石三貫  
六百文計四百六十九貫四百二十七文

夫食物料錢九百四十七貫七百五十三文

造麴三十七貫六百六文

造生煮酒四百七貫七百九十文

袋紬七匹四丈七尺每匹四貫文計三十一貫

九百一十五文

籩缸打竈一百五十一貫二百二十六文

官吏巡脚夫食糜費輕空滲漏三百一十九貫

二百一十六文

收息錢四千二百四十七貫一百七十文

諸司四千一百八貫三百三十八文

經總制司二千六百四十三貫一百八十八文

糴本司九百三十五貫四百七十四文

移用司五百二十九貫六百七十六文

本府一百三十八貫八百三十二文

糟錢一百一十一貫八百八十八文

諸司三十六貫七百九十六文

經總制司二十四貫八百九十八文

移用司一十一貫八百九十八文

本府七十五貫九十二文

林村務係糴買場

本柄錢八千一百三十四貫八十五文

糯米一千二百七十八石每石三貫九百九十文  
計五千九十九貫二百二十文

麴麥二百九十八石一斗五升六合六勺每石三  
貫六百文計一千七十三貫三百六十四文

夫食物料錢一千九百六十一貫五百一文

造麴七十九貫七百六十九文

造生煮酒八百七十二貫七百二十一文

袋紬一十六匹三丈每匹四貫文計六十六貫五

百文

箍缸打竈一百五十五貫六百八十九文

官吏巡脚夫食糜費輕空滲漏七百八十六貫八

百二十二文

收息錢五千三百九十三貫五百文

諸司三千四百四十二貫二百九十一文

經總制七百二十貫文

移用九十貫四百六十六文

正名寬剩一千五百一十一貫八百七十七文

五分淨利七百七十貫四百六十文

糴本三百四十九貫四百八十八文

本府一千九百五十一貫二百九文

糟錢二百八十三貫九百四十文納本府

下莊務係糴買場

本柄錢五千一百八十五貫七百六十三文

糯米七百七十一石五斗八升一合八勺每石三



貫九百九十文計三千七十八貫六百一十一

文

麴麥一百八十一石八斗六升四合二勺每石三

貫六百文計六百五十四貫七百一十一文

夫食物料錢一千四百五十二貫四百四十一文

造麴四十八貫六百五十三文

造生煮酒五百三十八貫八百七十五文

袋紬九匹二丈七尺每匹四貫文計三十八貫

二百四十九文

箍缸打竈一百五十一貫六百四十文

官吏巡脚夫食糜費輕空滲漏六百七十五貫

二十四文

收息錢三千二十三貫九百九十一文

諸司一千七百一十三貫三十八文

經總制四百五十五貫七百文

移用三十三貫四百六十二文

正名寬剩七百二十九貫三百五十四文

五分淨利三百三十九貫二百四十文

糴本一百五十五貫二百八十二文

本府一千三百一十貫九百五十三文

糟錢一百六十四貫六百二十文納本府

人戶買撲坊場二十九處

韓輿坊

天童坊

東吳坊

下水坊

屯埭坊

大嵩坊

富浦坊

以上並陽堂鄉

鹽場坊

館江坊

上水坊

韓嶺坊

隱學坊

單步坊

平水坊

以上並翔鳳鄉

青山坊

張村坊

鄧橋坊

鄭灣坊

以上並手界鄉

道陳坊

橫溪坊

張濠坊

板弄坊

以上並  
豐樂鄉

甲村坊

鄞塘坊

石支坊

善訓坊

新塘坊

大狄坊

茆山坊

以上並  
鄞塘鄉

歲額淨息錢四千七百一十七貫四百九十七文

常平司三千六百二十一貫三百八十一文

本府一千九十六貫一百一十六文

外有北渡店  
元係小溪子

店歲納本府錢一百三  
十六貫文不在此數

商稅以寶慶元  
年爲準

小溪場舊有管建隲子鋪慶元元年別解發本府錢三  
百六十貫文不理本場課額後因民訟漕臺行下

罷  
去

歲額錢一千三百貫文

諸司六百六十九貫九百九十五文

經總制三百九貫九百九十七文

糴本三百五十九貫九百九十八文

本府六百三十貫五文內除諸司合得頭子錢三十三貫四百九文實收五百九十六貫五百九十六文

石硯場

歲額錢三千八百貫文

諸司一千九百五十八貫四百四十四文

經總制九百六貫一百四十六文

糴本一千五十二貫二百九十八文

本府一千八百四十一貫五百五十六文內除諸  
司合得頭子錢九十六貫九百五十文實收一  
千七百四十四貫六百六文

寶幢場

歲額錢一千八百貫文

諸司九百二十七貫六百八十五文

經總制四百二十九貫二百三十文

糴本四百九十八貫四百五十五文



本府八百七十二貫三百一十五文內除諸司合  
得頭子錢四十六貫二百四十文實收八百二  
十六貫七十五文

橫溪大嵩二稅場慶元四年守鄭興裔奏罷詳見郡志  
雜賦

免役錢兩料共二萬四千八百二十五貫八百三十文  
縣吏支六千四百五十貫九百三十八文

本府四千八百八十四貫文

解發減省人吏錢在京  
官員雇錢及支府吏錢

並在  
內

經總制司一萬二千四百九十貫七百六十四文

官戶不減半一千貫一百二十八文

茶租錢二百三十九貫八十五文

水脚錢一千五百五十七貫四百七十五文

河塗錢一千一百一十四貫八百四十八文

租堰錢六百八十七貫一百八十文

房廊錢二十一貫四十八文

河渡錢四百六十七貫一十三文

常平司

鹽

大嵩場額二千六百八十袋五石六斗四合

叙兵

弓手

尉司八十五人

土軍

大嵩寨二百人

叙人

見郡志

叙祠

神廟

東嶽行宮縣東三十二里阿育王山相近

忠嘉威烈惠濟廣靈王行廟城外甬東廂即鮑郎廟也  
又有顯跡廟在縣東南三十里青山下乃鮑王冢墓  
之所

鬼谷先生祠在縣之東六十里太白山南滄嶼水簾洞

幽深閒寂人跡罕到夏侯曾先地志云鬼谷子廟三  
面連山前有清溪之水泉源不竭山崖重疊雲霧蔽  
虧晉郭璞曾到有游山詩曰清溪千餘仞中有一道  
士雲生梁棟間風吹窓牖裏借問此阿誰云是鬼谷  
子即此祠也

或云此峽州青溪鬼谷祠詩

又有一祠在縣東三十里

淵靈廟阿育王山廣利寺環廟有聖井七自東晉時已  
著靈異中井有二鰻其一金線自腦達於尾其一每  
現光耀折花引之則雙紅蟹或二蝦前導而後出焉

錢武肅王以歲旱命九華長老十善大德與國中所  
謂五叔太尉者同迎置錢唐之南塔寺山間鑿石爲  
井立亭其上以倣聖井而鄮山井中二鰻游泳自若  
井前有亭榜曰應現康憲錢公嘗爲旱用紫羅帕布  
井中鰻先入靈鰻後隨以銀缸貯沙泉養之置道場  
中復有天花散漫之瑞僧統贊寧嘗著護塔靈鰻菩  
薩傳邦人禱雨必應之皇朝元祐元年賜額乾道二  
年守趙伯圭禱雨有應知鄞縣事李柄記於石或云

又有二井在山絕頂險峻不可至

靈波廟縣西廣德湖望春山即白龍祠也

白龍王廟縣西二十里靈波之別廟也

石嶼廟縣西四十里嶼有靈鰻能興雲雨

力施廟縣西南四十里

秋浦廟縣西南三十五里

敖浦廟縣南十里

遺德廟縣西南四十里它山堰旁唐大和中鄮令王元

暉築堰扞水入小江湖灌溉甚博

詳見郡志叙水

民德而祠之

封善政侯皇朝咸平四年廟重修蘇爲記之乾道四年七月八日賜額縣宰楊布書守張津所立也

嘉澤廟東錢湖青山下唐天寶中令陸南金皇朝天禧中守李夷庚皆濬湖興利民德之故合祠焉水潦旱蝗有禱必應嘉定二年有旨賜廟額李侯又有祠堂在天童山景德禪寺千佛閣之東

豐惠廟廣德湖之望春山政和七年樓昇守鄉郡墾湖



爲田人爲立祠其孫鑰參知政事追封太師嘉定二年府以士民之請上於朝十一月二十一日有旨賜廟額劄送參政府

宮觀

蓬萊觀縣西廣德湖之望春山先是白龍祠之側有道堂立郡守樓昇生祠有道士奉香火紹興十三年請象山廢觀爲額

壽聖觀阿育王山前大觀間道士梁守清始建東嶽行

宮嘉泰元年道士胡抱一請紹興府餘姚縣廣福廢  
觀改今額

雲濤觀它山堰旁嘉定十二年賜額

顯忠旌德觀清修悟真觀太清悟真成道宮並在大慈  
山今丞相史魯公母齊越國夫人葬於山中有旨賜  
額創建爲功德所

寺院

禪院二十二

阿育王山廣利寺縣東三十里晉義熙元年建梁武帝  
賜阿育王額皇朝大中祥符元年賜名廣利大覺禪  
師懷璉居之法席鼎盛名聞天下皇祐二年懷璉入  
居東京淨因禪院仁宗皇帝召對化成殿因賜食禁  
中授以御製釋典頌十四篇并提綱語句治平三年  
英宗皇帝內降劄子許歸本寺熙寧三年迺建宸奎  
閣奉藏所賜御書軸五十有五扇三且被旨歲度僧  
一人知杭州蘇軾撰閣記謂古之人君號知佛者必

曰漢明梁武其徒常以藉口然漢明以察爲明梁武以弱爲仁皆緣名失實去佛遠甚仁宗皇帝未嘗廣度僧尼侈寺院干戈斧質未嘗有所私貸而天下歸仁焉此所謂得佛心法者古今一人而已高宗皇帝訪求祖宗宸翰僧淨曇以所藏來上上賞其卷軸之豐護持有道深嘉蘇軾所記念宸奎之閣且虛復以賜之命置田一千二百五十畝食其徒時紹興三年也僧德光舊居靈隱孝宗皇帝嘗召對洎來尸院事

以所賜金成高宗皇帝聖意歲收新穀五千石淳熙  
七年十一月三日復被旨召對便殿問佛法大意御  
書聖語及御製頌及妙勝之殿四大字以賜之錫號  
佛照禪師放還山九年復召對紹熙庚戌癸丑兩召  
對重華宮寧宗皇帝又御書孤雲及六殊勝地及佛  
照庵字賜僧道權於是宸奎所藏益富矣寺有釋迦  
如來真身舍利塔內有一角金鐘舍利在焉高宗皇  
帝御書賜號曰佛頂光明之塔淳熙二年嘗宣取至

禁庭至今歲爲禮塔會遐邇畢集寺之東北半山間  
有佛左足跡入石二寸餘距寺一二里傳者謂迦葉  
佛之跡循佛跡而上有東塔院即劉薩訶所禮舍利  
塔湧出之處西塔院去寺五十步其塔唐明皇時建

也道宣感通傳云晉太康二年并州離石人劉薩訶  
生業弋獵因病死而復蘇云在冥中見梵僧語之  
曰汝罪深重應墮惡道今洛下齊城丹陽會稽並有  
古塔及浮江石像悉阿育王所造可勤來禮懺當免  
斯苦薩訶更生乃祝髮爲僧更名惠達東詣鄆縣入  
烏石嶼結茅以寓徧訪海溪名山忽一夜聞土下鐘  
聲即標識其處越三日見梵僧七人行道空中地形  
如湧爲方壇狀神光照映因斲土求之得一石函中有

舍利寶塔六僧騰空而去一僧化爲烏石因以名嶼  
焉又按會稽記云晉相王導初渡江有道人神采不  
凡自言來從海上告導曰昔與阿育王同游鄮縣安  
真身舍利塔阿育王與真人捧塔飛行虛空入海諸  
弟子攀引不及一時俱墮化爲烏石如人形名僧傳  
云昔有神人捧塔飛行海上弟子中有未得道者墮  
地化爲烏石猶作人形上有袈裟文至今村名塔嶼  
嶼名烏石今烏石在寺前數里屬鄞縣塔嶼村相去  
又十五里云里屬定海謂東塔院爲舍利寺東二里  
湧出之處其說不同皆卮言也姑兩存之

有無相庵本大慧禪師宗杲退歸之地隆興二年僧  
宗靖捨貂璫而披田相衣奏請得庵額皇子恭王爲  
之書本寺常住田三千八百九十五畝山一萬二千

五十畝

天童山景德寺縣東六十里晉永康中僧義興誅茅縛  
屋山間有童子來給薪水後既有衆遂辭去曰吾太  
白一辰上帝以師篤道行遣侍左右語訖不見故稱  
義興者曰太白禪師寺經兵火唐開元二十年僧法  
璿按圖記披榛莽得故跡建精舍於山麓之東祕書  
省正字萬齊融造多賽塔於西南隅峭拔數仞舊志云法  
璿居此日誦蓮經感天童縣雲升降捧天食來供師  
夜遠璿行道人遇見師身與塔之相輪等白衣婉約



備述其事所謂太白禪師者也今考寺碑無此說

至德中僧宗弼徙寺於太

白峯下乾元初相國第五琦奏以天童玲瓏巖爲寺名繼而僧清閒創建食堂咸通十年更寺名曰天壽皇朝景德四年賜今額紹興初宏智禪師正覺徹寺而新之層樓傑閣倍徙於前淳熙五年孝宗皇帝親灑宸翰書太白名山賜僧了朴十六年僧懷敞來主寺欲改建千佛閣摹畫甚廣先是日本國僧榮西從敞遊輒辭歸致百圍之木泛鯨波以至經始於紹熙

四年之季秋歷三載始就梵宇宏麗遂甲東南寺之側有虎跑泉相傳謂舊苦無水虎蹴地而泉乃涌出寺之前古松夾道二十里大中祥符間僧子凝所植也

舊志云唐僧曇德清閒所植考寺之植松記殊不然而松亦非唐松

本寺常住田三

千二百八十四畝山一萬八千九百五十畝

大梅山護聖院縣東南七十里梁貞元中法常禪師始誅茅結庵開成元年建寺名曰上禪定會昌廢大中復建名觀音禪院柳公權書其額皇朝大中祥符元

年賜今額乾興元年僧道寧重建院大梅山漢梅子  
真舊隱也法常禪師者襄陽人姓鄭氏幼從師於荆  
州玉泉寺初參大寂禪師問如何是佛大寂云即心  
是佛法常即大悟去而結庵此山適鹽官會下有一  
僧入山採拄杖迷路至庵所問曰和尚在此山多少  
時法常曰祇見四山青又黃又問出山路向什麼處  
去法常曰隨流去僧歸告鹽官鹽官令僧邀之法常  
作偈曰摧殘枯木倚寒林幾度逢春不變心樵客遇

之猶不顧郢人那得苦追尋大寂聞法常住山乃令  
一僧到問云和尚見馬師得箇什麼便住此山法常  
云馬師向我道即心是佛我便向這裏住僧云馬師  
近日佛法又別法常云作麼生別僧云近日又道非  
心非佛法常云這老漢惑亂人未有了日任汝非心  
非佛我祇管即心即佛其僧迴舉似馬祖祖云大衆  
梅子熟也法常又有詩云一池荷葉衣無盡幾樹松  
花食有餘剛被世人知住處更移茅舍入深居今寺

中有梅熟堂有荷衣沼見存

傳燈錄所載如此舊志云法常禪師初領千衆住

持每云一日不作一日不食日惟齧白菹餅子不同衆僧之餐山間患無水乃感象眠爲池虎跑爲泉今象齒猶存據此說則寺乃法常所建也與傳燈錄所謂入山惟恐不深者不同且舊志云開成元年建蓋上距誅茅結庵之時已三十餘載矣豈法常初雖避人而來者日衆乃建寺以容之遂至湍千乎姑兩存之以俟知者常住田一百七十二畝山二萬五千四十畝

大梅山保福院縣東南七十里唐貞元十二年建號北蘭院大中元年改報國仙居院皇朝大中祥符三年賜今額與護聖禪院同踞一山也淳熙十六年僧行

源重建適齋汪大猷記常住田七百二十五畝山二萬五千四十二畝

仗錫山延勝院縣西南一百二十里唐龍紀元年建皇朝寶元二年賜額常住田五百五十六畝山三萬二千畝

金城山真相院縣東南八十里舊號羅漢院唐大厯元年建皇朝治平元年賜今額常住田三百三十二畝山四千二百二十畝

金文山惠照院縣東南七十里舊號金文懺院唐乾寧二年建皇朝治平元年賜今額常住田二百七十畝  
山二千三百三十畝

五峯山崇福院縣東南五十里舊號五峯院晉天福六年建皇朝大中祥符三年賜額常住田二百七十畝  
山六百八十畝

東山福昌院縣東南四十里舊號東山安國院唐大順二年建皇朝政和元年賜今額常住田四百三十五

畝山一千一百二十畝

踔跨山

踔音辦  
跨音科

崇果院縣東五十五里晉開運二年建

皇朝大中祥符三年賜額常住田一百八十六畝山

一千一百二十畝

普淨院縣西南七十里舊號頂峯庵皇朝建隆二年建

大中祥符三年賜今額常住田二百九畝山二千四

百一十畝

四明院縣南二十五里舊號鄞水院唐天復元年建皇



朝大中祥符元年賜今額常住田二百八十九畝山  
無

白雲延祥院縣東南八十里皇朝乾德五年建大中祥  
符三年賜額常住田六十畝山四千四百四畝

法忍院縣西南六十里舊號定光院唐咸通元年建皇  
朝治平二年賜今額常住田二百畝山二千一百畝  
西延慶院縣南四十里舊號永福院唐中和六年建常  
住田一百一十畝山無

接待彰聖院常住無

翠巖山移忠資福寺縣西南七十里舊號翠巖境明院  
唐乾寧元年建皇朝大中祥符元年賜名寶積禪院  
嘉泰四年張參政府請院爲功德寺賜今額常住田  
一千一百二十九畝山二千二百九十六畝

報忠福善院縣西南七十里舊號峒山院唐光啟二年  
建皇朝大中祥符元年賜名彰聖本甲乙徒弟院乾  
道四年改充十方禪院踞峒山東南支衆峯環合狀

若芙蓉嘉定二年樓參政府請爲功德院賜今額常  
住田三百四十二畝山九千八百畝

佛隴山積慶顯親院縣東六十里唐咸通十三年建皇  
朝治平元年賜名保安慶元六年充恭淑皇后宅齊  
王府功德院常住田二百八十畝山一千二十七畝  
報國院常住田二十畝山無

教忠報國寺大慈山史丞相府功德寺

妙智院大慈山史丞相府功德院

教院二十四

資教院縣西四十里舊號廣德院周顯德元年建皇朝  
治平元年賜今額常住田三百六十五畝山九百一  
十六畝

悟真院縣東南五十里漢乾祐二年建皇朝治平元年  
賜額常住田二百二十二畝山四百四畝

栖真寺縣南六十里隱學山唐建中二年建號隱學寺  
皇朝大中祥符元年賜今額寺有放生池見碑記田

二百一畝山六百八十一畝

惠光院縣西南四十里唐咸通八年建名小江皇朝大  
中祥符三年賜今額院嘗有妖僧塑神像納老烏於  
其腹以術呪之使爲禍福於人而邀利民之有災患  
者不禱其神則不寧乾道中守張津知之追妖僧至  
庭下具得姦狀遣吏剖其像果有死烏杖其僧而逐  
之民以安息常住田一百三十畝山無

治平院縣南三十里後唐清泰二年建名保豐皇朝治

平元年賜今額常住田二百九十畝山無

廣壽寺縣東五里周廣順元年建號崇寧院皇朝慶厯七年賜今額常住田八十七畝山無

廣嚴院縣東四里舊號華嚴院晉開運元年建皇朝治平二年賜今額常住田一百二十畝山無

布金院縣西南三十里皇朝寶元二年建治平二年賜額常住田一百七十三畝山無

海惠院縣南一十里舊號廣利以院之祖師廣利大師

得名皇朝治平二年賜今額田一百五十六畝山無  
興教院縣南五十里舊號小溪興福院唐咸通八年建  
皇朝治平九年賜今額常住田六十六畝山無

普和院縣東南五十五里漢乾祐二年建名靈影皇朝  
慶厯七年賜今額常住田九十九畝山無

圓通院縣南三十五里唐天祐十年建名東林皇朝治  
平二年賜今額田一百八十三畝山無

鄧橋廣福院縣東南二十里皇朝天聖四年賜名壽聖

紹興三十二年改賜今額田一百二畝山無

普安院縣南五十里梁乾化二年建名茆山皇朝治平  
元年賜今額田一百九畝山無

明心院縣南三十五里晉天福五年建名厲山皇朝治  
平二年賜今額常住田一百一十畝山無

慧燈院縣東南二十五里舊號朱村院皇朝建隆二年  
建治平二年改賜今額常住田一百一十三畝山無  
福聖院縣東南四十里舊號東山塔院皇朝乾德四年



建治平元年改賜今額常住田七十九畝山二百三十四畝

清修院縣西南八十里舊號清涼院皇朝乾德二年建  
大中祥符元年賜今額常住田八十三畝山二千畝  
普照院縣南七里舊號明福院皇朝乾德二年建治平  
二年改賜今額常住田八十七畝山無

辯利寺皇朝端拱中建今爲史丞相府功德寺常住田  
八十畝山三百五畝

慈悲普濟寺東錢湖月波山下淳熙五年史越王請額

建置常住田一百畝山二十畝

普光院常住田二十畝山一百五十畝

教忠報國院常住田五十畝山一百畝

寶華寺大慈山史丞相府功德寺

十方律院

寶嚴院縣西南五十五里舊號孝義院唐元和十二年

建皇朝大中祥符六年賜今額常住田二百二十畝

山八百畝

廣修院縣東六十五里晉天福五年建皇朝大中祥符元年賜額常住田一百三十畝山一千二百畝

菩提廣福院縣東南八十五里唐乾符六年建皇朝大中祥符三年賜額常住田四十六畝山三千畝

禪巖院縣西南八十里梁貞明元年建常住田五十四畝山無

慈雲院縣南三十里漢乾祐二年建名李浦皇朝治平

二年賜今額常住田六十六畝山無

法雲院縣東七里皇朝乾德六年建號甬東浴院治平  
二年賜今額常住田一百八十畝山無

多福院縣東五里皇朝乾德三年建治平元年賜今額  
常住田三十二畝山無

悟空院大慈山史丞相府功德院

甲乙律院三十六

崇壽寺縣東五里舊號東律禪院唐大中十二年分寧

令任景求舍宅建請心鏡大師居之師姓朱既居於  
此會剋寇裘甫轉掠四明有衆數萬縱兵入寺師燕  
坐禪定神色不動賊衆愕眙悔過作禮倒戈而退咸  
通二年寇平郡奏其事請以棲心名寺旌師之德宰  
相裴休捲帛書扁七年師化謂其弟子曰後三年當  
焚我窆於天童山忽一日異香發聞弟子相謂曰師  
有遺言今三載矣異香其啓我乎乃發龕茶毗之儼  
然如生獲舍利數千顆丹翠交輝勅謚心境塔名壽

相天童亦有舍利塔焉刺史崔琪狀其行於碑皇朝  
大中祥符元年賜今寺額政和八年四月七日御筆  
以有常住莊產寺院改建神霄玉清萬壽宮州以寺  
充焉久之復舊田一百七十畝山無

延福院縣東南二十里唐大中十三年建名天王皇朝  
治平元年賜今額院有天王像堂之前有靈鰻井遇  
歲旱祈雨輒應常住田三百八十三畝山無

資聖院縣東北一里半舊號漁浦門外院皇朝太平興

國二年建天禧四年賜今額常住田五十畝山無

寶林院縣南三十五里舊號報國西林院晉開運三年

建皇朝治平元年賜今額常住田八十八畝山無

延壽王廣福院縣東南六十里舊號延壽王院晉天福

二年建皇朝熙寧元年增壽聖二字紹興三十二年

改今額常住田二百六十二畝山三千一百二十一

畝

禪寂院縣東南三十五里皇朝雍熙二年建治平元年

賜額常住田一百九十九畝山三百二十畝

尊教院縣東南四十里晉天福三年建名慧日皇朝治平元年賜今額常住田八十八畝山三百八畝

能仁院縣西南十里皇朝乾德中建號東安院咸平六年改承天院政和七年五月御筆改今額俗呼爲南承天常住田二百六十七畝山無

聖壽寺縣西南六十里唐咸通五年建皇朝太平興國三年賜今額常住田三百六十七畝山無



法慈院縣西南七十里舊號鳳山院唐咸通七年建皇  
朝治平二年賜今額常住田八十畝山無

崇法院縣南五里舊號焚化院皇朝乾德五年建大中  
祥符三年賜今額常住田一百二十九畝山無

大悲院縣東十五里舊爲金蓮庵上橋林氏所建存留  
院也院有千手眼大悲觀音像常住田六十七畝山  
無

天壽院縣西南六十里舊號天井院皇朝建隆元年建

治平元年改賜今額按周銖天壽院記云四明山西南諸峯惟灌頂定光爲最高傍有瀑布瀉於兩山萬疊之間其下有三井泓然澄深清澈見底是爲天井歲早禱於井隨求而應有金線蜥蜴之狀出而赴感興雲雷霈甘澤爲一方千里之惠而年穀用登初僧有道凝者來自福唐建屋百楹於井上鄉人遂以天壽院名之丐於朝而得賜額也常住田二百三十畝山一千畝

惠安院縣東四十里晉天福三年建皇朝大中祥符三年賜額常住田三百九十八畝山一千七百畝

普寧院縣西南五十里舊號天王院唐咸通十三年建皇朝大中祥符三年賜今額常住田一百畝山無

空相院縣西南七十里舊號四明保安院晉開運二年建皇朝治平二年賜今額常住田七十畝山無

方廣院縣西南五十里舊號泗州院唐咸通十一年建皇朝治平二年賜今額常住田一百七畝山無

國寧寺縣西十五里皇朝大觀二年建賜額常住田四

十畝山無

妙智院縣西南七十里舊號觀音庵漢乾祐二年建皇

朝治平元年賜今額常住田一百畝山無

慈福院縣東三十里舊號盛店保安院周顯德二年建

皇朝治平元年賜今額常住田一百一十畝山無

舊院

有全師者年六十餘日誦妙法蓮華經三十餘年如  
一日以部計之萬五千矣世目之爲全法華淨照禪  
師臻老既詩之士大夫從而和者甚衆最後黃山谷  
一詩有云攝意持經盡劫灰人間處處妙蓮開他時

誦滿三萬部却覓曹溪一句來其徒梵容以告大理  
寺縛徐耘將盡刻諸石耘因言朝廷名卿館閣英俊  
下至布衣之士有以好學誦天下號爲博極羣書未  
有精專如全者也今之名進士業經通登科者視經  
猶祭後芻狗往往堆積架上撥棄案邊泯然不復經  
目矣或曰吾經已明不必讀或實不明不能讀或酷  
聲利不暇讀此三  
情者豈不愧全哉

慈恩院縣西南九十里舊號小溪松巖院晉天福九年  
建皇朝治平二年十月賜今額常住田一十四畝山  
七十畝

翠巖山寶積院縣西南七十里乾道三年賜額常住田

九十九畝山無

明覺院縣東六十里舊號明堂院唐寶正二年建皇朝  
治平元年賜今額寺有在在堂直龍圖閣舒亶記常  
住田九十四畝山九百八十畝

普光院縣東四十五里舊號光化院晉開運二年建皇  
朝治平元年賜今額常住田二百二十畝山二百九  
十六畝

淨衆院縣東二十里舊號齋堂院皇朝開寶二年建治

平二年改賜今額常住田六十二畝山無

珠山淨土院縣東六十五里晉天福元年建號珠山院  
皇朝治平元年賜今額常住田一百二十畝山二千  
八百畝

阮山廣福院縣東九十里漢乾祐二年建號阮庵皇朝  
熙寧二年正月賜壽聖院額紹興三十二年改今額  
常住田七十畝山二千畝

多寶院縣東南八十里舊號管江院皇朝開寶元年建

治平二年改賜今額僧則交慈溪方氏子也始生遇相者曰此兒出家則成道長入多寶院師若旻大智照公照公講於錢塘祥符東院師與其徒六人服勤左右學益通號六羅漢凡有咨承大智可之遂傳其要歸住多寶訓講如大智告學者戒以不犯爲本律以持守爲功念念常存淨土立至忠肅陳公瓘與相好超然心契晚辟穀不食趺坐而逝天大暑數日不掩龕色不變也建塔院之西山敷文閣待制龍舒朱



翌爲銘常住田八十五畝山六十八畝

法慶院縣東南八十里舊號寶慶院唐乾寧元年建皇  
朝大中祥符元年賜今額常住田三百五十畝山三  
千八畝

雲龍院常住田一十畝山無

保安院常住無

教慈資福寺縣西南六十里唐光化四年建名廣學皇  
朝大中祥符元年改名資壽後爲宣參政府功德寺

賜今額常住田三百一十畝山無

雷峯院宣參政府功德院常住田一百五十畝山一千

畝

勝像院史越府功德院

大中祥符寺縣東五十里晉天福三年建名西溪皇朝

治平三年賜名法寶嘉定中史尚書請爲功德寺十

七年改今額常住田一百七十畝山三百畝

天福院縣西南八十里皇朝治平中建

叙遺

存古

古鄮縣在縣東三十里鄮山之東太平寰宇記云漢光武爲賊所敗有奴耕於田而藏之獲免後議賞光武問奴欲何官奴云欲得鄮縣令故俗號鄮縣爲官奴縣又十道四蕃志云宋武微時避吏於此與人奴善奴名桂藏匿既久爲吏所逼逐適值桂在田以土覆之得免後立官奴城以報之掘土築城之地名官奴

池太平寰宇記以爲光武於史無所據今按宋書孫恩破上虞時劉裕嘗戍句章疑其爲宋武也

岷亭自剡至此溪灘磧高險行客往來皆此裝束齊僕

射張稷曾生子於此乃名岷

出太平寰宇記

東海海上有野人名庚定子舊說云昔從徐福入海亡

匿姓名自號庚定子土人謂之白水郎脂澤悉用魚

膏衣服兼資絹布字訛亦謂之盧定子也

見太平寰宇記

管公明先生墓在縣西四十里聖女山蓋父老相傳云

然無碑碣可考

唐刺史黃晟墓與其母高陽郡太君齊氏其妻潁川縣  
君鍾氏墓俱在隱學山

梁山伯祝英臺墓縣西十里接待院之後有廟存焉二  
人少嘗同學比及三年而山伯初不知英臺之爲女  
也以同學而同葬見十道四蕃志所載舊志稱曰義  
婦塚然祝英臺女而非婦也

陳國塚郡國志鄮山有陳國塚一名鴈棲墓昔國爲日

南太守死有雙鴈隨柩而歸棲墓上三年然後去

出太

平寰  
宇記

鄧女墓城南崇法院之西北王荊公安石宰鄧時生女  
周晬而歿葬於此將行別以詩云年登三十已衰翁  
滿眼離傷祇自攻今泛扁舟來訣汝此生蹤跡各西  
東

寶慶四明志卷十三